

明清史料叢書

于浩◎編

續編

國家圖書館出版社

丁浩◎編

明清史料叢書

續編

2



國家圖書館出版社

金陵野鈔

明季野史彙鈔 十二

第二冊目錄

甲申野史彙鈔	(清)全祖望輯	一
金陵野鈔	十四卷 卷十一至卷十四	一
南都死難紀略	一卷 (明)顧苓撰	五一
四藩本末	四卷 (清)錢名世撰	一四七
崇禎閣臣事略	一卷 (明)陳盟撰	三二五
殷頑錄	六卷 卷一 (清)楊陸榮撰	四四一

金陵野鈔卷十一



吳郡顧苓云美

二月甲寅朔提督勇衛太監李國輔
請開采浙江霧雲山許之戶科給事
中吳适疏言正統間開采致鄧茂七
葉宗留之亂國輔請罷不聽馳視竟
罷之先是督理蕪采太僕寺少卿宋

劾請開采銅陵許之言利之徒紛起
卒皆不勁謚桂王曰端甲子謚皇太
子慈烺曰猷愍皇二三子定三慈燦
曰哀王四子永王慈煥曰悼考選授
林有本等科道部屬官有差以黃端
伯為禮部祠祭司主事端伯江西南
城人杭州推官丁憂奉佛以削髮被

叅聽勘遇赦入京公言去輔姜曰廣
謀逆有狀以媚士英士英喜今與考
選許以言職令力牧曰廣及考選文
字不中程式士英亦知其不可恃不
得已補部屬丙寅遣禮部尚書黃道
周祭告禹陵逆賊李自成棄西安走
襄陽丁卯予殉難陝西巡撫馮師孔

按察使黃駒長安縣知縣吳從義渭
南縣知縣楊暄商維道黃世清蒲城
縣知縣朱一統榆林右布衣都任中
部知縣朱新趨副總兵惠顯潘國俊
李國奇遊擊將軍姬維新陳二典劉
芳馨劉廷杰文經國守備左勉惠漸
賀天雷楊政瑋指揮使李文焜前總

兵官尤世威侯世祿侯拱極王學書
王世欽王世國李昌齡前總兵尤翟
文常懷德李登龍張發揚明前遊擊
將軍孫貴尤養昆前守備白慎衡李
宗叙慶陽道改復興慶陽府知府董
統高州在籍前吏部尚書南企仲前
副都御史朱景德前巡撫焦源清焦


源溥山東巡撫王道純山西叅政田
時震禮部主事南居業蒲州在籍前
磁州道祝萬齡慶陽在籍前太常寺
少卿麻禧咸寧舉人朱誼泉等贈廕
有差先是御史霍達于崇禎間具題
下部未覆時再請得之都任尤世威
皆合門自縊朱新麒未娶妾投繯死

榆林以抗賊故其指揮千百戶及士
民死者數萬人多不可考矣戊辰予
奉使兵部右侍郎左懋弟母陳氏恤
典錄用其兄吏部員外左懋泰辛未
東平侯弟劉源清謚武節源清以戰
死癸酉檄高杰兵回揚州命廣昌劉
良佐赴防歸德保國公朱國弼疏糾

前漕運總督路振飛稱鳳陽有天子
氣懷逆謀命部院看議日月赤無光
丁丑贈死事重慶府知府王行儉光
祿寺卿予祭奠廕子潛山縣知縣李
佳胤太僕寺少卿廕子予南京吏部
侍郎顧起元謚文莊廕一子戊寅逆
賊李自成兵至承天府御史周昌晉

補糾從逆漏案楊汝昌宋之純曹溶
等命法司并覈壬午更鑄各衙印
去南京二字以別舊印至是遂悉去
之及印成而南京失矣

金陵野鈔卷十一 終



金陵野鈔卷十二

吳郡顧苓云美

三月甲申朔上御經筵乙酉妖僧大悲伏誅大悲徽人妄言先帝封齊王不受又封吳王命府部科道同法司會審又妄言錢謙益申紹芳于孔聖廟中謀異圖又言潞王施恩百姓等

語御史張孫振疏請究主使上不問
召大學士士英等于內殿命即棄市
丁亥復大學士溫体仁謚戊子
上御武英殿召保國公朱國弼大學士馬
士英等前東宮講官劉正宗入諭曰
鴻臚寺少卿高夢箕疏稱有北來太
子朕念先帝之子即朕之子况朕尚

無子果真東宮即朕東宮矣但昨遣
內臣李承芳廬九德前去審視面貌
不對語言閃爍可會同府部大小九
卿科道舊日東宮講官前去辨驗曰
奏先是夢箕家人穆虎自北來換一
男子云是先帝太子舊年十二月夢
箕送之杭州既渡錢塘往紹興夢箕